

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

DIPUTATU NAGUSIAREN SAILA

247/2020 Foru Dekretua, uztailaren 31koa, diputatu nagusiarena, zeinak onesten baitu xedez lehiaketa bidezko 2020-2021 ikasturteko dirulaguntzen deialdi publikoa helduen euskalduntzea sustatzeko

Arabako Foru Aldundiko Diputatu Nagusiaren Sailak, aurrera daramatzen jardueren artean, egoki iritzi dio helduen euskalduntzea sustatzeko 2020-2021 ikasturterako laguntzen deialdia egiteari.

Proposatzen dena da dirulaguntza ematea A1, A2, B1 eta B2 mailetako 2020-2021 ikasturterako matrikulazioaren prezioa jaisteko, HABEk homologaturiko Arabako edo Trebiñuko enklabe euskaltegietan. Araban edo Trebiñuko enklabean erroldaturiko adinez nagusiek jasoko dituzte dirulaguntzak.

Halaber, proposatzen da ezen euskaltegien erregistroan eta euskararen autoikaskuntzarako HABEko zentro homologatuetan izena emanda dauden euskaltegi eta zentroak erakunde laguntzaileak izan daitezkeela, hala eskatzen badute, xedapen honetan ezartzen diren baldintzak betetzen dituzten pertsona matrikulatuen eskaerak kudeatu eta izapidetu ahal ditzaten.

Horretarako, beharrezkoa da ezartzea euskara ikasteko ahalegina egiten duten pertsonen laguntzeko dirulaguntzek bete beharreko berariazko esparru arautzailea.

Aginduzko txostenak aztertu dira.

Horregatik, eta dagozkidan ahalmenak erabiliz, hau

XEDATZEN DUT

Lehenengoa. Onespena ematea helduen euskalduntzea sustatzeko xedez lehiaketa bidez ematen diren eta 2020ko ekitaldian indarrean egongo diren 2020-2021 ikasturterako dirulaguntzen deialdi publikoari, 85.000,00 euroko zuzkiduraz. Deialdi hori arautuko da Diputatuen Kontseiluaren uztailaren 21 eko 23/2020 Foru Dekretuak ezarritakoa oinarri (2020ko uztailaren 27ko ALHAO, 84 zk.), zeinaren bidez onetsi baitziren Diputatu Nagusiaren Sailak lehia bidez esleitzen dituen dirulaguntzei aplikatuko zaizkien oinarri orokorrak.

Bigarrena. Gastu hau Arabako Foru Aldundiaren 2020ko ekitaldiko gastu aurrekontuaren "Ikasleentzako laguntzak euskalduntzeko" partida honen kontura egingo da: 02401.07800.4.8.00.01 (lerro zenbakia:02-62, xedapen erreferentzia 20.1.20.105.2714).

Aurrekontuan hasiera batean jasotako kopurua (85.000 euro) handitu egin ahalko da, gehienez ere kopuru horren ehuneko 10, aurrekontuko baliabide erabilgarrien arabera.

Hirugarrena. Onestea eta baimentzea 4.000 euroko gastua eta haren balizko zabalkuntzak. "Erakunde laguntzaileen aldeko konpentsazio ekonomikoa 2020rako 4.000 euroan kalkulatu da, Arabako Foru Aldundiaren 2020rako "Euskara sustatzeko jarduerak" 02401.07800.2.2.7.99.01 aurrekontu partidaren kontura ordainduko da (lerro zenbakia: 02.50; xedapen erreferentzia: 20.1.20.105.2715), eta deialdia ebatzi ondoren ordainduko da, 3 euro ezarriko direlarik konpentsazio ekonomiko gisa, kudeatutako eta onartutako matrikula bakoitzeko.

Laugarrena. Organo eskudunak emango du, Euskararen Foru Zerbitzuaren proposamena aztertuta, eman beharreko ebazpena, sei hilabeteko epean gehienez ere, deialdia ALHAOn

argitaratzen denetik aurrera. Gehienezko epea igarota esanbidezko ebazpenik ez bada, esan nahiko du eskaera ezetsi egin dela.

Bosgarrena. Ebazpen honek administrazio bidea agortzen du. Administrazio Publikoen Administrazio Prozedura Erkidearen urriaren 1eko 39/2015 Legeak 123. artikuluan xedatzen duenaren arabera, aukerako berraztertze errekurtsoa jar dakioko diputatu nagusiari, hilabeteko epean, egintza hau jakinarazi eta hurrengo egunetik aurrera, edota zuzenean administrazioarekiko auzien jurisdikzioan aurka egin dakioko bi hilabeteko epean, egintza hau jakinarazi eta hurrengo egunetik aurrera, administrazioarekiko auzietarako epaitegietan, Administrazioarekiko Auzien Jurisdikzioa arautzen duen uztailaren 13ko 29/1998 Legeak 46.1 artikuluan ezarritakoaren arabera.

Seigarrena. Dirulaguntza eman edo ukatzen duen ebazpenaren berri ALHAOn argitaratuko da eta jakinarazpen balioa izango du, bat etorritik Administrazio Publikoen Administrazio Prozedura Erkidearen urriaren 1eko 39/2015 Legeak 45.1.b) artikuluan xedatutakoarekin.

Zazpigarrena. Deialdi hau ALHAOn argitaratzea.

Vitoria-Gasteiz, 2020ko uztailaren 31

Diputatu nagusia

RAMIRO GONZÁLEZ VICENTE

Euskararen eta Gobernu Irekiaren zuzendaria

LEXURI UGARTE ARETXAGA

ERANSKINA

Helduen euskalduntzea sustatzeko xedez 2020-2021 ikasturtean
lehiaketa bidez ematen diren dirulaguntzen deialdia

Lehenengoa. Xedea eta helburua

Deialdi honen xedea da 18 urtetik gorako helduen euskalduntzea sustatzea, baldin eta Araban eta Trebiñuko enklabeen erroldaratuta badaude eta 2020-2021 ikasturtean Arabako edo Trebiñuko enkabeko euskaltegietan matrikulatzen badira; sustapen hori Diputatuen Kontseiluaren uztailaren 21eko 23/2020 Foru Dekretuak xedatutakoaren esparruan da egitekoa (2020ko uztailaren 27ko ALHAO, 84 zk.), zeinaren bidez onetsi baitziren Diputatu Nagusiaren Sailaren dirulaguntzak lehiaketa bidez esleitzea arautzen duten oinarri orokorrak.

Dirulaguntza hauen helburua da A1, A2, B1 eta B2 mailetako matrikularen prezioa gutxiagotzea 2020-2021 ikasturterako, Arabako edo Trebiñuko euskaltegi HABEk homologatuetan.

Bigarrena. Aurrekontu egozpena

Emango diren laguntzen zenbatekoa, guztira, 85.000,00 eurokoa izango da; gehiago ere izan daiteke, kontuan hartuta emango diren dirulaguntzen orotarako zenbatekoa, eta, betiere, aurrekontuan baliatzeko moduan izango diren baliabideen arabera.

Gastu hori Arabako Foru Aldundiaren 2020rako gastu aurrekontuko 02401.07800.4.8.00.01 partidatik ordainduko da.

Hirugarrena. Onuradunak

Deialdi honetako dirulaguntzak pertsona fisikoek eskatu ahalko dituzte, ezaugarri hauek betetzen badituzte:

- Adin nagusikoa izatea deialdia ALHAOn argitaratzen den datarako.
- Arabako Lurralde Historikoan edo Trebiñuko enklabeen erroldaturik egotea deialdia ALHAOn argitaratzen den datarako.

– A1, A2, B1 eta B2 mailetan matrikulatzea Arabako edo Trebiñuko enklabeko euskaltegi HABEk homologatutako batean.

Berriaz programatik kanpo geratuko dira herri administrazioetan zerbitzu ematen duten eskatzaileak; administrazio publikoek finantzatuko dute haiek euskara ikastea eta euskararako gaitzea.

Laugarrena. Erakunde laguntzaileak

1. Euskaltegien erregistroan eta euskararen autoikaskuntzarako HABEko zentro homologatuetan izena emanda dauden euskaltegi eta zentroak erakunde laguntzaileak izango dira hala izatea eskatzen badute.

2. Bat etorri, Arabako Lurralde Historikoko Dirulaguntzen urriaren 19ko 11/2016 Foru Arauak 15. artikuluan ezarritakoarekin, erakunde laguntzaileek lankidetzaz hizarmen bat sinatu beharko dute Arabako Foru Aldundiarekin, non arautuko baitira erakunde laguntzaileek beren gain harturiko baldintza eta betekizunak.

3. Xedapen honetan ezarritako baldintzak betetzen dituzten pertsona matrikulatuen eskaerak kudeatu eta izapidetuko dituzte erakunde laguntzaileek.

4. Erakunde laguntzaile izatea eskatzeko, euskaltegiek hogeita hamar egun naturaleko epea izango dute, deialdi hau ALHAOn argitaratu eta hurrengo egunetik aurrera.

Bosgarrena. Deialdian sartzen diren moduluak eta dirulaguntza bakoitzaren zenbatekoa

Modulu presentzialak:

Emango den laguntzaren zenbatekoa hirutara banatzen da, ikastaroaren orduen arabera:

1. 248-400 orduko moduluak: 75 euro.
2. 401-600 orduko moduluak: 120 euro.
3. 601 ordu baino gehiagoko moduluak: 240 euro.

Autoikaskuntza moduluak:

Hasierako mailak diruz lagundu ahalko dira (A1, A2, B1 eta B2).

4. 190 ordu edo hori baino gehiagoko autoikaskuntza moduluak: 75 euro.

Eskaera eta jaso beharreko zenbatekoen kopurua dela eta, dirulaguntzetan eman beharrekoa deialdiaren diru zuzkidura baino gehiago balitz eta, ondorioz, laguntzak murriztu egin beharko balira, murrizketa hori heinean egingo litzateke onuradun guztien artean.

Seigarrena. Instrukzio organoa

Arabako Foru Aldundiko Diputatu Nagusiaren Saileko Euskararen Foru Zerbitzuak izango du prozeduraren instrukzio eskumena.

Zazpigarrena. Eskatzaileek aurkeztu beharko dituzten agiriak

Matrikulatzeko orduan, eskatzaileek honako agiri hauek aurkeztu beharko dituzte euskaltegian:

– Dirulaguntzen eskaera inprimaki normalizatuan (I. eranskina). Inprimaki hori Arabako Foru Aldundiko Diputatu Nagusiaren Saileko Euskararen eta Gobernu Irekiaren Zuzendaritzak emango du, edo, bestela, dagokion web orritik jaitsi ahal izango da (www.araba.eus o www.euskaraba.eus).

– Eskatzailearen NANA edo pasaportearen.

– Trebiñuko enklabearen erroldatutako eskatzaileek erroldaratze zedula aurkezturik eduki beharko dute deialdia ALHAOn argitaratzen den egunerako.

Zortzigarrena. Eskaerak aurkezteko epea eta lekua

Onuraduna Arabako edo Trebiñuko enklabeko euskaltegi homologatu batean matrikulatu beharko da, deialdi hau ALHAOn argitaratzen den eguna eta 2020ko irailaren 30a bitarteko epean (biak barne).

Matrikulatzeko orduan, euskaltegiak dagokion deskontua aplikatuko dio modulu bakoitzari, onuradunetz onuradun.

Onuradunak, euskaltegian matrikulatzeko orduan, inprimaki orria beteko du, deialdia onestearekin argitaratuko dena.

Bederatzigarrena. Eskaerak aztertu eta ebaztea

1. Dirulaguntzak aztertu eta eman edo ukatuko dira Euskaltegiek aurreko paragrafoan aipatzen diren agiriak aurkeztu ahala, eta, betiere, haiek aurkezteko epea amaitu eta gero.

Diputatu Nagusiaren Saileko Euskararen eta Gobernu Irekiaren Zuzendaritzak, egoki iruditzen zaion kasuetan, datuak edo argibideak eskatu ahal izango ditu aurkeztu diren agiriei buruz; eta, eskaera horiei ez bazaie erantzunik ematen Administrazio Publikoen Administrazio Prozedura Erkidearen urriaren 1eko 39/2015 Legeak jasotako epeen barruan gerta liteke espedientea atzeratzea, eta are artxibatzea ere.

Ez da entzunaldi izapiderik aitortuko, eskatzaileek aurkeztutako egitateak eta agiriak soilik hartuko baitira kontuan ebazpenean.

2. Organo eskudunak, Euskararen Foru Zerbitzuak proposatuta, ebazpena emango du 2020ko abenduaren 30a baino lehen. Epe hori igaro ondoren ez bada eman esanbidezko ebazpenik, erakunde interesdunek eskaera ezetsi egin dela ulertu beharko dute.

3. Esleipen ebazpenean zer eskatzaileari eman zaion dirulaguntza zehaztu behar da, eta berriaz adierazi behar da gainerako eskaerak ezetsi direla.

4. Kontuan izanda zer xedatzen duen Administrazio Publikoen Administrazio Prozedura Erkidearen urriaren 1eko 39/2015 Legeak 45. artikuluan, dirulaguntza eman edo ukatzen duen ebazpena ALHAOn argitaratuko da, eta jakinarazpen ondorioak izango ditu horrek.

5. Ebazpenak administrazio bidea amaitzen du; beraz, Administrazioarekiko Auzietarako Jurisdikzioa arautzen duen uztailaren 13ko 29/1998 Legeak 46.1 artikuluan xedatutakoari jarraituz, haren aurka administrazioarekiko auzi errekurtsua aurkeztu ahal izango da, administrazioarekiko auzietarako kasuan kasuko epaitegietan. Horretarako, bi hilabete izango dira, ebazpena jakinarazi eta hurrengo egunetik aurrera.

Zuzenean aurkaratu ezean, nahi izanez gero, errekurtsua aurkeztu ahal izango da ebazpena eman duen organoan, hilabeteko epean, jakinarazpena jaso ondorengo egunetik aurrera, bat etorritz Administrazio Publikoen Administrazio Prozedura Erkidearen urriaren 1eko 39/2015 Legeak 123. artikuluan xedatutakoarekin.

Hamargarrena. Dirulaguntzak ordaintzea

Nola eta laguntza matrikularen zenbatekoari aplikatuko zaion deskontu bat den, erakunde laguntzaileei ordainduko zaizkie dirulaguntzak, ikastegi bakoitzean matrikulatutako onuradunen kopuruaren arabera.

Hamaikagarrena. Laguntzak aldatzea

Dirulaguntza emateko kontuan hartu diren baldintzak aldatzen badira, eta, edozer dela ere, edozein erakunde publiko edo pribatuk gauza bererako emandako laguntzak edo dirulaguntzak lortzen badira, dirulaguntza emateko ebazpena aldatu egin daiteke, eta dirulaguntza itzuli beharra ere gerta daiteke.

Hamabigarrena. Laguntza galtzea

Onuradunak, espedienteak ireki ondoren, deialdi honen bidez iragarritako laguntza gal dezake, baldin eta eskaeran edo agirietan datuak ezkutatu baditu edo gezurra esan badu, edo deialdi honetan adierazitakoak bete ez baditu.

Deialdi honetan zehaztutako betebeharren bat ez betetzeak berekin ekarriko du laguntza berriro aztertzea, eta egoki iritziz gero, laguntza baliogabetzea edo ordura arte jasotakoa itzuli behar izatea.

Era berean, jasotako dirulaguntzak itzuli egin beharko dira, Arabako Lurralde Historikoko Dirulaguntzen urriaren 19ko 11/2016 Foru Arauak xedatzen dituen kasuetan.

Espedientearen ondorioz dirulaguntza galtzen bada, aurreko paragrafoan aipatzen den araudian ezarritako zehapen araubidea aplikatuko da.

Zuzenbide publikoko diru sarrera gisa hartuko da onetsitako dirulaguntzak itzultzea, eta Ekonomia eta Aurrekontu Araubideari buruzko abenduaren 18ko 53/1992 Foru Arauaren II. Tituluan, I. kapituluan, xedatutakoaren arabera kobratuko da hura.

Hamahirugarrena. Garapena

Diputatu Nagusiak egoki iritzi adina ebazpen emango ditu deialdi hau garatzeko, eta, halaber, dirulaguntzaren zenbatekoa gehitzeko ebazpena ere emango du, beharrezkoa izanez gero; bestalde, akzioak baliatu ahal izango ditu galdatzearen eta egiaztatzearen datuak egiazkoak izan daitezela eta deialdi honetan araututakoa bete dadila. Era berean, Ogasun, Finantza eta Aurrekontu Sailak, Kontuen Epaitegiak edo beste erakunde eskudun batzuek eskatutako informazioa ere eman beharko dute.

Hamalagarrena. Interpretazioa

Diputatu Nagusiaren Saileko Euskararen eta Gobernu Irekiaren Zuzendaritzak ebatziko ditu deialdi hau interpretatzean sor daitezkeen zalantzak.

Hamabosgarrena. Dirulaguntzen bateragarritasuna

Deialdi honetako dirulaguntzekin batera, organismo edo erakunde publiko nahiz pribatuek, estatuko nahiz nazioartekoek, jarduera edo programa bererako esleitutako dirulaguntzak ere jaso ahal izango dira, betiere dirulaguntza horren zenbatekoa ez bada, bakarka nahiz beste dirulaguntzekin batera, matrikularen kostua baino handiagoa.

Hamaseigarrena. Publizitatea


Deialdi hau ALHAOn argitaratuko da, eta ahal dena egingo da komunikabide sozialetan zabalkunderik handiena izan dezan.

Hamazazpigarrena. Errekurtsoak

Deialdi honen bai beraren ondoriozko administrazio egintzen aurka jo ahal izango da Administrazio Publikoen Administrazio Prozedura Erkidearen urriaren 1eko 39/2015 Legeak ezarritako kasu eta moduetan.

Hemezortzigarrena. Azken klausula

Deialdi honetan xedatuta ez dagoen guztian, honako hauei jarraituko zaie: Arabako Lurralde Historikoko Dirulaguntzen urriaren 19ko 11/2016 Foru Araua; Arabako Lurralde Historikoko Ekonomia eta Aurrekontu Araubidearen abenduaren 18ko 53/1992 Foru Araua; Aurrekontua Gauzatzeko Foru Araua, indarrean dagoena; Administrazio Publikoen Administrazio Prozedura Erkidearen urriaren 1eko 39/2015 Legea; Gizonen eta Emakumeen Berdintasunerako 3/2007 Lege Organikoa; Euskal Autonomia Erkidegoko Emakume eta Gizonen Berdintasunerako 4/2005 Legea, eta aplikatzekoa den gainerako araudia.

 <p>Arabako Foru Aldundia Diputación Foral de Álava www.araba.eus</p>	<p>Helduen euskalduntzea sustatzeko 2020-2021 ikasturterako laguntza ekonomikoa eskatzeko inprimakia.</p> <p>2020</p> <p>Solicitud de ayuda económica destinada a incentivar la euskaldunización de personas adultas, curso 2020-2021</p>
--	---

Diputatu Nagusiaren Saila
Euskara eta Gobernu Irekiaren zuzendaritza

Departamento de Diputado General
Dirección de Euskera y Gobierno Abierto

I. ERANSKINA ■ ANEXO I

Administrazioak betetzeko
A cumplimentar por la Administración

Eskaera zk. ■ N° Solicitud

ESKATZAILEA ■ SOLICITANTE ⁽¹⁾

Identifikazio agiria ■ Documento identificativo <input type="checkbox"/> NAN DNI <input type="checkbox"/> AIZ NIE <input type="checkbox"/> Besteren bat Otro			Identifikazio zk. ■ N° identificativo <input type="text"/>			Sexua ■ Sexo <input type="checkbox"/> Emakumea Mujer <input type="checkbox"/> Gizona Hombre <input type="checkbox"/> Ez binario No binario		
Izena ■ Nombre <input type="text"/>			Lehen abizena ■ Primer apellido <input type="text"/>			Bigarren abizena ■ Segundo apellido <input type="text"/>		
Helbidea (kalea) ■ Domicilio (calle) <input type="text"/>			Zk. ■ Núm. <input type="text"/>	Letra <input type="text"/>	Eskra. ■ Escal. <input type="text"/>	Solairua ■ Piso <input type="text"/>	Aldea ■ Mano <input type="text"/>	
Herialdea ■ País <input type="text"/>	Probintzia ■ Provincia <input type="text"/>	Udalerría ■ Municipio <input type="text"/>	Herialdea ■ Localidad <input type="text"/>	P. K. ■ C. P. <input type="text"/>				
Telefonoa ■ Teléfono <input type="text"/>	Mugikorra ■ Móvil <input type="text"/>	Faxa ■ Fax <input type="text"/>	Posta elektronikoa ■ Correo electrónico <input type="text"/>					

Berariaz baimena ematen dut nire datu pertsonalak Arabako Foru Aldundiak trata ditzan, baldin eta helduen euskalduntzea sustatzearekin loturiko AFaren laguntza ekonomikoen tramitazio eta kontrola kudeatzeko helburuz bada. Exproso mi consentimiento para que Diputación Foral de Álava (DFA) trate mis datos personales para las finalidades de gestionar la tramitación y control sobre las ayudas económicas destinadas por DFA para incentivar la euskaldunización de personas adultas.

Berariaz baimena ematen dut Arabako Foru Aldundiak dagokion euskaltegiari ebazpen laguntzaren zenbatekoa jakinarazi diezaion, baldin eta egikaritze prozeduraren baten ondorioz atxikiturik geratuko balitz. Manifiesto mi consentimiento expreso a que en caso de que el importe de la ayuda concedida sea retenido como consecuencia de procedimientos ejecutivos, la Diputación Foral de Álava comunique al euskaltegi correspondiente tal circunstancia con indicación del importe retenido.

Berariaz baimena ematen dut Arabako Foru Aldundiak euskara sustatzeko eginiko komunikazioak jasotzeko. Manifiesto mi consentimiento expreso para recibir comunicaciones de promoción del euskera de la Diputación Foral de Álava.

Euskaltegia

Ikastaroen ordu kopurua guztira Número total de horas del curso

248-400	401-600	> 600	
---------	---------	-------	--

Autoikaskuntza ikastaroen ordu kopurua Número total de horas del curso autoaprendizaje

190	> 190	
-----	-------	--

Hasiera maila Nivel inicial

A1	A2	B1	B2
----	----	----	----

(Tokia eta data ■ Lugar y fecha)

Eskatzailearen sinadura ■ Firma de la persona solicitante

ERANTSITAKO AGIRIAK ■ DOCUMENTACIÓN QUE SE ADJUNTA

- NAN edo pasaporte ■ D.N.I. o pasaporte
 Trebiñuko Konderriko errolda agiria 2020an eguneratua ■ Cédula de empadronamiento actualizada en 2020 en el Enclave de Treviño

Orria ■ Hoja 1/2



Arabako Foru
Aldundia
Diputación
Foral de Álava
www.araba.eus

Helduen euskalduntzea sustatzeko 2020-2021 ikasturterako laguntza ekonomikoa eskatzeko inprimakia.

2020

Solicitud de ayuda económica destinada a incentivar la euskaldunización de personas adultas, curso 2020-2021

Diputatu Nagusiaren Saila
Euskara eta Gobernu Irekiaren zuzendaritza

Departamento de Diputado General
Dirección de Euskera y Gobierno Abierto

I. ERANSKINA ■ ANEXO I

OHARRA ■ NOTA Matrikulazioarekin batera, inprimaki orria bete behar da eta euskaltegiak dagokion deskontua aplikatuko dio matrikulazio prezioari. Eskaera Aldundiari bideratuko zaio, eta Aldundiak eskaerak ebatziko eta jakinaraziko dizkio bakoitzari. ■ Junto con la matrícula, es necesario rellenar el impreso de solicitud. El euskaltegi aplicará el descuento correspondiente al precio de la matrícula. La solicitud se tramitará a la Diputación Foral de Álava, donde se resolverá y notificará a cada persona beneficiaria la resolución sobre su solicitud.

Oharra (1)
Europako Parlamentuaren eta Kontseiluaren 2016ko apirilaren 27ko 2016/679 (EB) Erregelamenduan (DBEO) eta Datu Pertsonalak Babesteari eta eskubide digitalak bermatzeari buruzko abenduaren 5eko 3/2018 Lege Organikoan ezarritakoa betetze aldera, jakinarazten dizugu zuk ematen dizkiguzun datuak Arabako Foru Aldundiaren titulatasuneko T67 EUSKARAREN SUSTAPENA fitxategian sartuko direla. Fitxategi horren tratamenduak Arabako Lurralde Historikoan euskararen erabilera sustatzeko jarduerak kudeatzeko egiten dira.
Zure datuen konfidentziasuna bermatzen dugu, eta ez zaizkie hirugarrenei jakinarazten legez gaitzatuko kasuetatik kanpo.
Datuak atzitzeko, ezabatzeko, aurkartzeko eta mugatzeko eskubideak baliatu ahal izango dituzu DBEOk aitortzen dituen eskubideez baliatzeko. Horretarako, Arabako Foru Aldundiko Erregistro Bulegora jo beharko duzu (Probintzia plaza 5, PK 01001 Vitoria-Gasteiz - Araba). Informazio gehiago nahi izanez gero: <https://web.araba.eus/eu/tratamenduen-lege-ohar-hedatua>

Nota (1)
Con objeto de dar cumplimiento a lo establecido en el Reglamento (UE) 2016/679 del Parlamento Europeo y del Consejo de 27 de abril de 2016 (RGPD) y en la Ley Orgánica 3/2018, de 5 de diciembre, de Protección de Datos Personales y garantía de los derechos digitales, le informamos que los datos que usted nos facilita van a ser incluidos en el fichero T67 PROMOCIÓN DEL EUSKERA titularidad de Diputación Foral de Álava cuyos tratamientos se realizan para la gestión de las actividades de promoción del uso del euskera en el Territorio Histórico de Álava.
Garantizamos la confidencialidad de sus datos, no siendo comunicados a terceras personas fuera de los supuestos habilitados legalmente.
Usted podrá ejercitar sus derechos de acceso, rectificación, supresión, oposición y limitación que reconoce el RGPD dirigiéndose a la Oficina de Registro de la Diputación Foral de Álava, Plaza de la Provincia, 5, CP 01001 Vitoria - Gasteiz (Álava). Para más información: <http://www.araba.eus/web/AvisoLegalAmpliado>

ERANTZUKIZUNPEKO DEKLARAZIOA

Aldierazten dut ez dudala Diru-laguntzei buruzko Lege Orokorraren 13.2 artikuluko eta Arabako Lurralde Historikoko Diru-laguntzei buruzko Foru Arauaren 12.2 artikuluko debekurik, eta ez dudala zehapenik jaso Diru-laguntzei buruzko Lege Orokorraren IV. tituluari aitortzen diren arau-hausteengatik.

DECLARACIÓN RESPONSABLE

DECLARO no incurrir en ninguna de las prohibiciones del artículo 13.2 de la Ley General de Subvenciones y del artículo 12.2 de la Norma Foral de Subvenciones del Territorio Histórico de Álava, ni ha sido sancionada por las infracciones a las que se refiere el Título IV de la Ley General de Subvenciones.

Orria ■ Hoja 2/2